



Broj: 01/14-02-967/23-3
Sarajevo, 11.05.2023.g.

**IZVJEŠTAJ SA TEMATSKE SJEDNICE ODBORA ZA EKONOMSKU I
FINANSIJSKU POLITIKU PREDSTAVNIČKOG DOMA PARLAMENTA
FEDERACIJE BiH U SARADNJI SA VLADOM FEDERACIJE BiH O
TEMI: "INFORMACIJA O STATUSU AGENCIJE ZA PRIVATIZACIJU U
FEDERACIJI BiH"**

Dana 10.05.2023. godine održana je Tematska sjednica Odbora za ekonomsku i finansijsku politiku (u daljnjem tekstu: Odbor) u saradnji sa Vladom Federacije BiH o temi: "Informacija o statusu Agencije za privatizaciju u Federaciji BiH", a u skladu sa usvojenim Zaključkom Predstavničkog doma Parlamenta Federacije BiH na 2. redovnoj sjednici održanoj 15.03.2023. godine, broj: 01-02-1872/22 kojim je zadužen Odbor da zajedno sa Vladom Federacije BiH pokuša iznaći rješenje u vezi s ovom problematikom.

Sjednici su prisustvovali članovi Odbora za ekonomsku i finansijsku politiku Predstavničkog doma, članovi Odbora za ekonomsku i razvojnu politiku, finansije i budžet Doma naroda, zastupnici i delegati Parlamenta Federacije BiH, predstavnici Vlade Federacije BiH odnosno resornih ministarstava, predstavnici Agencije za privatizaciju u Federaciji BiH, predstavnici Sindikalnog odbora i Upravnog odbora Agencije za privatizaciju u Federaciji BiH, predstavnici Feroelektro d.d. Sarajevo, predstavnici Agencije za reviziju privatizacije u Federaciji BiH i predstavnici kantonalnih Agencija za privatizaciju.

Uvodno izlaganje dali su: Admir Čavalić – predsjednik Odbora za ekonomsku i finansijsku politiku Predstavničkog doma Parlamenta FBiH i Amra Babić – predsjednica Odbora za ekonomsku i razvojnu politiku, finansije i budžet Doma naroda.

Također, svoj doprinos tokom upoznavanja sa ovom Informacijom dali su i direktor Agencije za privatizaciju u Federaciji BiH, predstavnica Sindikalnog odbora Agencije za privatizaciju u FBiH, direktor Feroelektra d.d. i predstavnik Ministarstva energije, rudarstva i industrije Vlade Federacije BiH.

Tokom diskusije o Informaciji o statusu Agencije za privatizaciju u Federaciji BiH, svi učesnici na Tematskoj sjednici predložili su brojne zaključke, prijedloge, te moguća rješenja za rješavanje ove problematike u kojoj se nalazi Agencija za privatizaciju u Federaciji BiH nakon čega su se članovi odbora oba Doma Parlamenta Federacije BiH, prisutni zastupnici i delegati usaglasili i podržali sljedeće

ZAKLJUČKE



- 1. Odbor traži od Parlamenta Federacije BiH da zaduži Vladu Federacije BiH da pripremi Nacrt Sporazuma (sa svim potrebnim elementima: visina glavnice duga i kamate, visina otpisanih potraživanja, rok otplate, te način i hitnost deblokade računa Agencije za privatizaciju Federacije BiH) između Agencije za privatizaciju u FBiH i firme "SA DAGITIM" d.o.o. Kreševo po presudi Vrhovnog suda FBiH broj 06109319 Rev od 05.12.2019. godine sa ciljem izmirenja duga po presudi. Rok za pripremu Nacrta Sporazuma je 15 dana.**
- 2. Predlaže se Parlamentu Federacije BiH da zaduži Vladu Federacije BiH da pokuša iznaći rješenje u vidu isplate jednokratne finansijske pomoći uposlenicima Agencije za privatizaciju Federacije BiH u što kraćem roku.**
- 3. Predlaže se Parlamentu Federacije BiH da organizira Tematsku sjednicu o temi: Suština i značaj nastavka procesa privatizacije u Federaciji BiH i uloga Agencije za privatizaciju u Federaciji BiH u istom.**

Odbor će tražiti izjašnjenje Predstavničkog doma Parlamenta Federacije BiH o ovim zaključcima na prvoj redovnoj sjednici Predstavničkog doma Parlamenta Federacije BiH.

S poštovanjem,


PREDSJEDNIK ODBORA
Admir Čavalić

Dostaviti:

- članovima Odbora za ekonomsku i finansijsku politiku Predstavničkog doma
- članovima Odbora za denacionalizaciju i privatizaciju Predstavničkog doma



-
- članovima Odbora za ekonomsku i razvojnu politiku, finansije i budžet Doma naroda
 - predsjedavajućoj Predstavničkog doma
 - potpredsjedavajućoj Predstavničkog doma
 - potpredsjedavajućem Predstavničkog doma
 - zastupnicima Predstavničkog doma Parlamenta FBiH
 - delegatima Doma naroda Parlamenta FBiH
 - sekretaru Predstavničkog doma
 - sekretaru Doma naroda
 - Vladi Federacije BiH
 - Federalnom ministarstvu trgovine
 - Federalnom ministarstvu finansija
 - Federalnom ministarstvu energije, rudarstva i industrije
 - Agenciji za privatizaciju u FBiH
 - Članovima Upravnog odbora Agencije za privatizaciju FBiH
 - Sindikalna organizacija Agencije za privatizaciju u FBiH
 - Agenciji za reviziju privatizacije u FBiH
 - Kantonalne agencije za privatizaciju u FBiH
 - Feroelektro d.d. Sarajevo
 - Stanić Grupa d.o.o.
 - Službi za zajedničke poslove organa i tijela Federacije BiH
 - računovodstvu
 - recepciji
 - a/a.